

厚

德

錄

厚德錄卷第三

宋 李元綱

韓許國公億在中書日嘗見天下諸路有職司掇拾  
官吏小過輒顏色不懌曰今天下太平主上之心  
雖垂魚草木皆欲得所夫仕者大則望爲公卿次  
則望爲侍從職司二千石其下亦望京朝幕職奈  
何鋼之於聖世持心如此昔袁安不以贓罪劾人  
其韓公之謂乎

蘇兵部耆充陝西轉運景祐中洛陽大旱穀貴百姓  
饑殍京東轉運司亦無以爲賑洛陽留守移書求  
耆粟二十萬斛遂移文陝府如數與之仍奏於朝  
時同職謂耆曰陝西沿邊之地屯軍甚多若有餘  
止可移之以實邊郡奈何移之別路耆曰天災流  
行春秋有恤隣之義生民皆繫於君無內外之別  
奈何知其垂亡而不以奇贏賑恤耶曰苟有饋運  
耆當自謀必不以此相累朝廷甚嘉之

出張唐英  
嘉祐舊臣

傳

沈邈嘗爲京東轉運使數以事侵宋元憲公庠後任御史又彈奏庠不可以爲執政及庠在洛邈子監趙院因出借縣人負物杖之道死死者實以他疾而邈之子府屬所惡痛治之以治庠獨不肯目此何足以爲人也人以此稱庠長者

宋宣憲公綬判三司憑由司建言比歲下赦令釋逋而稽期未報者六十八州軍請諸路選官覆核限半月以聞以是脫械繫三千三百人所除數百萬

范文正公爲叅知政事會主倫冠淮南州縣官吏有

不能守朝廷盡欲誅之公曰時諱言武備盜賊猝至而專責守臣死事不可故守令皆得不誅

四三十二

司馬待制池溫公父也知杭州轉運使江鈞張從革

惡池據其所決事十餘條奏降知虢州初轉運使

既以奏池而會吏有盜官銀器繫州獄且自陳爲

鈞嘗私厨出所費過半又越州通判私載物犯稅

而實從革使之因遣人私請曰幸憐赦之或謂池

獨不能忍也池卒不校人以長厚稱之

四三十三

楊侍郎偕知審官院元昊乞和而不稱臣偕上言以

譚連年出師國力日以蹙莫如以書遺之徐圖誅  
滅之計諫官歐陽修蔡襄交章劾奏偕職爲從官  
不思爲國討賊而助元昊不臣之請罪當誅偕不  
自安車知越州道改知杭而襄謁告迎親杭而輕  
遊里市或謂曰何不以言於朝偕曰襄嘗以公事  
詆我我豈可以私報也

馬少保亮通判常州時吏有忘失官物械繫妻子至  
連逮者數百人亮一切縱去許自償所負不踰月  
而盡輸之戍平初命往京西河東二道放積欠官

物奏除者數百萬還奏稱旨

馬少保以王均反爲西川轉運使賊平主將尚誅殺  
不已亮收全者千餘人明年召問蜀事會械送爲  
賊所誑誤者八十九人至京師知樞密院事周瑩  
欲盡誅之亮言愚民脅從者衆此特百之一二爾  
餘皆竄伏山林若不貸之恐遠人危懼重貽朝廷  
憂帝從之

馬少保爲西川轉運使時施州鹽井歲久泉涸而官  
督所負州縣浦各數百人亮盡釋繫者而廢其井

三四九

凡除所逋三百餘萬提點福建刑獄始訊寃獄全  
活者數千人

三五十

馬少保爲御史中丞上言近歲以來父祖未葬而多  
別財異爨甚傷風教請自今未葬者不得析居  
知制誥韓綜通判天雄軍會河水漲金隄民依丘冢  
者凡數百家水大至綜出令能活一人者予千錢  
民爭操舟楫盡救之已而丘冢潰

三四四

李給事行簡爲八州軍體量安撫時大饑遂發義倉  
粟賑貧乏獨耀州通和除龍圖閣待制真宗數幸



龍圖閣命講周易間訪大臣能否而行簡無怨昵  
必盡稱道其長人以爲長者

三  
九

胡侍郎則提舉江南路銀銅場鑄錢臨時得吏所匿  
銅數萬斤吏懼且死則曰馬伏波哀重因而縱亡  
之吾豈重貨而輕救人之生止藉爲羨餘及除廣  
西轉運按宜州重辟十九人而爲辨活者九人  
胡侍郎在福州時前守陳絳坐嘗延蜀儒龍昌期爲  
州人講易得錢一萬事發自成都械昌期至則破  
械館以賓禮出俸錢爲償之

四  
三  
五

一二九

扈諫議稱爲梓州路轉運使屬歲饑道殣相望稱先  
出祿米以賑民故富家大族皆願以米輸入官而  
全活者數萬人

三十二

四十六

方諫議慎言爲侍御史時丁謂貶遣慎言籍其家得  
士大夫書多干請開通者悉焚之不以聞世稱長  
者胥內翰偃未仕時家有良田數千頃旣貴悉以  
與族人嘗與謝絳受詔試中書吏而大臣有以簡  
屬偃不發視而焚之且曰發而言之不亦傷刻薄  
乎

薛簡肅公奎知益州里父訟其子不孝者詰之乃曰  
貧無以爲養奎因出俸錢與之

范文正公爲江淮體量安撫所至賑乏絕又陳八事  
其四曰國家重兵悉在京師而軍食仰於度支則  
所養之兵不可不精也禁軍代回五十以上不任  
披帶者降爲畿內及陳許等處近下禁軍一卒之  
費歲不下百千萬人則百萬緡矣至七十歲乃放  
停且人方五十之時或有鄉園骨肉懷土之情猶  
樂舊里及七十後鄉園改易骨肉淪謝羸老者歸

復何託是未停之前大蠹國用廢之之後復傷物  
情咸平中棟鄉兵人無歸望號怨之聲動於四野  
祥符中選退冗兵無歸之人大至失所此近事之  
鑒也請下殿前軍馬司禁軍選不堪披帶者與本  
鄉州軍別立就糧指揮至彼有田園骨肉者許之  
歸農則羸老之人亦不至失所矣

王待制質權知荆南府有媼訴其婦薄於養婦曰舅  
姑家既窮而婦歸且奉事無不謹質曰姑雖不良獨  
不願若夫那叔家人衣衣媼又給以廩粟使歸養

之皆感泣而去

三十一

劉吏部夔不治財產所收私田有餘穀則以振收鄉

里故

人前死數日作遺表以祿賜所餘分親族

一

馬少保亮知潭州屬縣有亡命卒剽劫爲鄉人共謀

殺之

在

坐法當死者四人亮謂其僚屬曰夫能爲民

去害而乃坐以死豈法意耶乃批其案悉貸之

三十一

馬少保知昇州行次九江屬歲旱民饑乃邀湖湘漕

米數千艘以賑之因奏瀕江諸郡皆大歉而吏不

之收願罷官糴令民轉粟以相調足朝廷從其言

三六

馬少保知廣州是時宜州陳進初平而澄海兵從進  
反者法當配隸皆釋之不問又墮戶通課質其妻  
子於富室悉取以還其家徙虔州錄孝行圖於牙  
門以示民

三六

張諫議師德判三司都理欠憑由司時建言有負官  
物而本非侵盜若憚獨貧病者雖督繫之卒無以  
自償請因上慮因而一切蠲免之詔施用其言

三六

楊諫議告除京西轉運副使時屬部歲饑所至發公  
廩又募富室山粟以賑之民伐桑易粟不能售告

命高其<sup>作</sup>以給酒官由是獲濟者甚衆

姚龍學仲孫爲許州司理叅軍時王嗣宗知州事民有被盜殺者其妻訴里胥嘗賄於其夫不與而惡之此必盜也乃捕繫獄將以<sup>生</sup>死而仲孫疑之嗣宗怒曰若非盜耶然亦不敢遽決後數日果得真盜者嗣宗喜曰審獄當如是也改資州轉運使檄往富順監按疑獄全活者數十人

方諫議慎言知泉州會歲饑大發官廩以貸民又恤其鰥寡孤獨民皆愛之至有生子以方兒爲名者

張審學逸知益州會歲旱乃導江水爲堰以溉民田  
又自出公租減價以賑民勅民饑多殺耕牛食之  
犯者皆配關中逸奏民殺牛以活將死之命與盜  
殺者異若不禁之又將廢糴事今歲小稔請一切  
放還復其業從之

錢祕監昆知梓州時會歲旱歎民多流移大發常平  
粟賑之而自劾釋不問

張審學奎守婺州有滯囚法當死獄成三問輒不伏  
轉運使命奎覆按一視牘而辨之得不死人皆服



其明通判廬州罷歸會秦州通鹽課緡錢數十萬事  
連十一州轉運使請遣制使按於鳳翔詔擇奎因  
言鹽法起於軍興之不足非仁政所行若不得已  
今商人幹濟通行民間而出其征則縣官獲利爲  
多與夫壅之以自入官場而民怨緣而興獄者異  
也於是悉除十一州所負奎性甚孝爲鄉史時母  
病乃齋戒割股肉和藥進之遂愈

唐待制肅爲秦州司理叅軍有商人夜宿逆旅而同  
宿者殺人亡去旦視之血汙其衣爲吏所執不能

一三  
明遂自誣服肅爲白其寃而知州事馬知節趣令  
具獄肅固持不可後數日果得真殺人者矣

一三  
陳龍學從易知虔州歲饑有持仗盜殺發囹倉者請  
一切減死論於是全活者千餘人

一三  
王符制居易知漢州會歲大饑乃出俸錢率僚吏及  
郡豪得穀數萬斛賑饑民全活者以萬計安撫使  
韓琦薦之

一三  
梅諫議摯通判蘇州初二浙饑官貸種食已而督償  
之甚急摯上言賑民所以爲惠也反撓民不便因

下其奏他州悉得緩期償之

稽內翰穎父適嘗爲荆南石首主簿民有父子坐重辟府特命適按劾之爲免其子死而文以抵法令言於人曰主簿仁人也且生令子明年穎生天聖中進士及第

張侍郎溥知楚州會歲饑貽書發運使求貸糧不報因歎曰民轉死溝壑矣尚待報耶乃發上供倉粟賑之所活以萬計因上章待罪降勅獎諭

李諫議應言少孤事母以孝聞除侍御史時鄆州民

有傳妖法者其黨凡百餘人捕者欲邀功賞而極誣以不軌命應言往按其事止誅首謀數人餘悉全活之

吳龍學遵路知崇州會歲歉先期轉市米吳中以賑貧民自他流至者其全亦十八九丁母憂廬墓側蔬食終制既沒家無長物其友范仲淹分俸贖其家

李給事允元通判寧州州卒謀亂事覺連逮者衆允元極意辨析止坐首惡數人誅之爲利州路轉運

使至所部會歲饑發官粟數萬碩賑民之民得不流

徙

趙樞密

積

為益州路轉運使邛州蒲江縣捕刼盜不

得而官司反繫平民十數人楚掠強服又合其辭

若無疑者

積

適出部意其有冤乃馳入縣獄因盡

得其冤狀釋出之

王待制鼎廩於財父死以財物分諸子鼎悉推與季

弟及在臨邛轉運使令攝成都新繁縣事又推職

田所人不取後奉使契丹得絹千餘疋散之族人

日盡事繼母孝教育孤姪甚至自奉養尤儉約  
陳節使堯咨權通判流內銓時舊制選人皆用制奏  
舉乃得京寺官而士有孤寒不爲人知者堯咨特  
爲陳其功狀升擢之

陳郎中貫擢利州路轉運使屬歲饑出所得職田粟  
盡以賑民富民有積粟者率令計口自占其數有  
餘則皆發之

楊發運日華知嘉州先是蜀旱饑而州民通官租以  
鉅萬計逮捕繫械歷數年不能償日華至悉奏蠲

除之

石中允介爲嘉州軍事判官丁父母憂躬耕徂徠山下葬其五世之未葬者七十喪魯人號爲徂徠先生

劉從事顏爲齊州任城縣主簿會歲饑發大姓所積粟以活數千人也

李防禦允則知潭州會湖南饑欲發官廩先賑之而後奏轉運使以爲不可允則曰須報踰月則饑者無及矣不聽明年又饑復欲先賑之轉運使又報

一四十三

不可允則乃願以家貲為質由是全活者數萬人矣

趙觀察滋知雄州時契丹大饑舊米出塞下不得過

三升滋曰彼吾民也令出米無所禁

一四十四

桑崇班懌嘗遇大水有粟二廩將以舟載之見百姓

走避水者遂弃其粟而載之得皆不死歲饑聚人盡食其粟盡而止

何太簡  
此係

孫觀廉權知滄州有劫盜獄成廉疑之謂其僚屬曰

我武人也獄辭非吾事試召其隣里而周訪之皆



曰此平居放不事今以爲盜則非也既二日果得真盜降詔獎諭

靳提舉宗說監滄州鹽山縣務日嘗攝縣事有繫囚坐殺人法當死宗說疑之會犯者言其母年九十病且甚願得一別母而死宗說側然釋囚縛令人與俱至家旣而更獲所殺人者

康園練德輿爲大名府鈐轄提舉金隄至和中河決小吳埽破東隄頓丘口居民之避水者趨隄上而水至不得達德輿以巨艘五十順流以濟之免墮

溺者數萬人李仲昌治資聖歸役兵數千人會雨  
潦道不通不能得食又以舟濟以食

周諫議湛通判戎州日其俗尚巫有病輒不醫皆聽  
巫以飲食往往不得愈湛爲禁俗之習爲巫者又  
刻方書於石自是始用醫病者更得活提點廣東  
刑獄初江湖之民略良人鬻嶺外爲奴婢湛至聽  
其自陳得男女二千六百餘人還其鄉

陳運使希亮賢少時從鄉人朱輔學輔死母子貧困希  
亮以女妻其子而贍卹其母終身

出兩朝諸臣傳

二十三

沈內翰文通治杭州令行禁止人有貧不能葬及女子孤無以嫁者以公使錢葬嫁數百人倡優養良女爲已子者奪歸其父母

一六

魯侍中公亮爲相時每得四方奏獄必躬閱之密州銀沙發民田中有強盜者大理論以死公亮獨曰此禁物也罪不應死下有司議卒比劫盜禁法盜得不死先是金銀所發多以強盜坐死自是無死者

者

出熙豐故事  
事名臣傳

一四十五

葉左丞夢得云余在許昌歲徂大水災傷京西尤甚

浮殍自鄧唐入吾境不可勝計令盡發常平所儲  
券乞越常制賑之幾十餘萬人稍能全活惟遺棄  
小兒無由得之一日詢左右曰人之無子者何不  
收以自畜乎曰然人固願得之但患旣長或來誠  
認爾余爲閱法則凡傷災棄遺小兒父母不得復  
取乃知爲此法者亦仁人也夫彼旣棄而不有父  
母之恩已絕矣若人不收之其誰與活乎遂作空  
券數千具載本法卽給內外廂界保伍凡得兒者  
皆使自明所從來書於券付之略爲籍記使以時

上其數給多者賞且分常平餘粟貧者量授以爲  
資事定按籍給券凡三千八百人皆奪之溝壑而  
置之襁褓此雖細事不足道然每以告臨民者恐  
緩急不及知其法或不能出此術也

李文靖公沆爲相專以方嚴重厚鎮服浮躁尤不樂  
人論說短長附已胡秘監且謫商州久未召嘗與  
文靖同爲制誥聞其拜叅政以成啓賀之詆前居  
職罷去云呂叅政以無功爲左丞郭叅政以酒失  
爲少監辛叅政非才謝病優拜尚書陳叅政新任

失旨退歸兩省而譽文靖甚力意將以對之文靖  
慨然不樂命小吏封置別篋曰吾豈真優於是者  
耶亦適遭遇耳乘人之後而譏其非吾所不爲况  
欲揚一已而短四人乎終爲相且不復用舊聞韓  
宗武云後閱且傳乃得此文

趙康靖公槩厚德長者口未嘗言人短與歐陽文忠  
公同知制誥後亦同秉政及文忠被謗康靖密申  
辯理至欲納平生誥勅而保之而文忠不知也

富韓公弼爲樞密副使坐石守道謗自河北宣撫使

還除知鄆州復徙青州讒者不已人皆爲公危懼  
會河北大水流民轉徙東下者六七十萬人公一  
皆招納之勸民出粟自爲區畫散處境內室廬飲  
食醫藥纖悉無不備從者如歸市有勸公非所以  
處疑弭謗禍且不測公傲然弗顧曰吾豈以一身  
易此六七十萬人之命哉卒行之愈力明年河北  
二麥大熟始皆襁負而歸則公所全活也於是雖  
讒公亦莫不畏服知不可撓而公疑亦因是浸釋  
公在政府不久而青州適當此疑嘗見其與一所

二十三

厚書云在青州偶能全活數萬人勝二十四考中

書今遠矣張侍郎舜民嘗刻之石

山某少藹  
避著錄話

庚寅歲湖州孔目官朱氏以米八百石作粥散貧是

歲生服服為從官

三十五

潤州金壇縣陳亢熙寧八年餓殍無數作萬人冢每

一尸設飯一甌席一領紙四貼藏尸不可紀是歲

生

又生度皆為監司孫登仕者相繼

出王亮國  
間見近錄

三十六

王沂公曾執政外親戚可任者言之於上否者厚恤

之以金帛自奉甚薄待客至厚薄於滋味無所偏



嗜庖人請命未嘗改饌事諸父諸母諸乳母盡其  
孝謹葬外氏十餘喪嫁姻族孤女數人凡四鎮所  
至悉興學校輟俸錢以助其費青州仍出家藏書

篇卷甚廣以助習讀

出王碑王沂  
公言行錄

仁宗時朝議在官七十而不致仕者有司以時按籍  
舉行翰林學士兼史館修撰胡宿以謂養廉耻厚  
風化宜有漸而欲一切以吏議從事殆非所以優  
老勸功之意當少緩其法使人得自言而全美節

朝廷嘉其言是以至今行之

此李攸本  
朝事實

天聖中玉清昭應宮災太后曰先帝嘗奉此宮極天下之力今一旦灰燼皆守衛者不謹所致詔付御史臺推劾皆欲戮之御史中丞王晦叔上疏曰昔魯相僖宮災孔子以爲相僖親盡當毀也漢遼東高廟災及高閭便殿災董仲舒曰高廟不當居陵旁故天災今玉清之興不合經義先帝信方士邪巧之說蠹耗財用無紀今天焚之乃戒其侈而不經也上與太后感悟乃薄守衛者罪

仁宗嘗謂近臣曰比有貪墨之吏賊民自厚朕誠惡

之今後曾有賊私罪犯更不得許臣僚奏舉審官  
院流內銓三班院更不得引見磨勘轉官時士人  
亦有材高而不能事上官者或上官以私忿而摺  
拾米鹽果菜細碎以爲賊私者遂永不得進用衆  
以爲冤右正言知制誥流內銓吳育奏欲乞應選  
人中曾犯賊私之類除情理重者無復在官其餘  
罪名雖同事體不一或以微物致累或以周防偶  
虧而所犯稍輕故得叙用候經兩任如別無私罪  
顯有才能並許奏舉與磨勘

唐御史介上言陳宰臣文彥博之過貶授冀州別駕  
介未至冀州彥博奏黜介至重是陛下因臣而退  
敢言之士願召用之尋通判潭州移知復州又召  
爲言事御史

孔寺丞牧早以文行見推鄉黨在汝州村居饑歲鄉  
民貨舉菽粟聽其自取牧中皆不取償民有盜伐所  
種竹木者家僮執之牧見而釋之且問其所欲之  
數欲伐而益之俾如其意盜者愧謝所居園圃近  
水民有夜涉水盜蔬果者牧歎曰晦夜涉水或有

陷溺卽爲製橋盜者慙不復渡

仁宗時天下郡國有災異饑饉而鄰郡多閉糴右正

言充祕閣校理吳及奏乞聖旨諸路或有災傷輒

敢閉糴科遣制之罪上從之勅上晚年未有皇子

而求嗣益切後宮所誕育者皆公主上言陛下左

右內臣凡四千餘人是絕人之嗣多矣久無皇嗣

豈非此耶上感寤之

仁宗時天下提刑轉運知府多以愛憎喜怒發摘官

吏小失以快已之御史暴行陳洙奏欲望凡奏到

公案其被奏官於理無罪者兼取問元案舉官司  
重行謫罰被奏之人移於鄰部以相回避仍令頒  
行天下戒監司州郡苛察者上深以爲然令審刑  
院大理寺今後諸處勘到命官使司奏案內有不  
合書罪顯涉掇拾者仰奏干繫官吏自是少敢以  
喜怒愛憎羅織官吏

仁宗時審官院及流內銓條制應京朝官選人祖父  
母父母年及七十已上無子孫弟姪年二十已上  
侍養並令召保與家便差遣御史裏行陳洙奏應

上侍者須親到京方免遠注與授家便其中有親  
在五路者以員多闕少皆授差遣還家動經年歲  
夫人年過七十須吏無有侍側則紫竿然不安今使  
其子孫去親千里不幸疾病甘旨弗供醫藥弗繼  
則死者遺恨獨不累聖朝孝治之至邪臣欲乞京  
朝官選人得替在外親年七十以上的無兼侍者  
許召保仰逐處州軍疾速備錄申審官院流內銓  
與注授家便路分合入差遣更不令親自到闕如  
此則老者得遂其安孝者得盡其力自是親老而

兼侍者皆外除之

出張唐英仁宗君目政要錄

元達為馬步軍頭領媽州團練使會部送亡命自首者引對軒陛左右或勸太宗殺之以戒效尤者達奏此類在山林尚多不如赦之使有自新之路以勸來者亦以成陛下好生之德太宗悅悉赦之

趙韓王普初為滁州軍事判官太祖過滁上與語奇之會獲盜百餘人將就死普意其有冤啓太祖更訊之所活者十七八矣

薛文惠公居正知朗州湖湘初平卒多亡命山澤監



軍使疑城中僧千餘人皆其黨欲除之居正以計  
緩其事後擒賊帥汪端詰之僧果不與悉得全活  
韓通少應募以勇力聞顯德二年河北大兵之後遺  
骸滿野通悉令收瘞爲萬人冢命記室賈湘刻石  
紀事立於無極縣

二四十七

宋準所至皆有治聲虛多遜貶李穆坐同門生免左  
右無敢言者準因盛言穆長者有檢操嘗惡多遜  
專恣固非其黨也太宗悟遂復穆官

四四十一

曹侍中彬北征之失律也彬言請行軍  
公昌言

自延安還因事被劾未得入見彬在近密爲上請  
乃許朝謁

二十四

馬知節樞密知秦州州嘗質羗酋二十人屬殆逾二  
紀知節曰此亦人也豈不懷土悉遣還蕃落感其  
惠詔受代無敢有叛者

二十四

何承矩繼筠之子太平興國五年知河南府時兩川  
綱運皆調丁男或因之在道病亦令負擔承矩以  
爲疲民橫役悉奏令還之矣

何承矩

謝德權咸平中凶人劉燁僧澄雅訟報政與許州民

陰結西戎爲叛者詔溫仲舒謝泌鞫問今德權監之旣而按驗無狀泌奏追大臣下獄乃可其奏德權曰泌欲陷大臣耶若大臣無罪受辱則仁君何以御臣下臣何以事人君仲舒曰德權所奏甚善乃可之

趙忠獻公普令親吏關隴市木治第親吏因而私販三司使趙玘潛白太祖太祖召普與玘面質玘大言普販本太祖大怒追班將逐普詔問太子太師王溥等普得何罪溥奏趙玘誣罔大臣太祖意解

因令扶出玳貶爲汝州牙校

喬惟岳

嶽

陳洪進納土其子文顯爲泉州留守惟岳爲

通判會盜起仙縣蒲田縣百丈鎮衆十餘萬來攻城巾兵三千監軍何承矩王文寶欲屠其城燔府庫而遁惟岳嶽抗議以爲朝廷寄委今惠澤未布盜賊連結反欲屠城豈詔意哉未幾許運使楊克讓以福州兵至賊圍遂解

高防初爲澶州防禦使張從恩判官有軍校段洪進盜官木造什物從恩怒欲殺之洪進紹云判官使

爲之從恩問防防卽誣伏洪進免死乃以錢十千  
馬一騎遺防而遣之防別去終不自明旣又以騎  
追復之歲餘從恩親信言防自誣以活人命從恩  
歎益加禮重

二十五

查道初赴舉貧不能上道親族哀錢三萬遣之道出  
滑州過父友呂翁家翁喪無以葬母兄將鬻其女  
以辦喪事道傾褚中錢悉與之又與嫁其女又嘗  
有僚卒女爲人婢道贖之將女以嫁士族也

厚德錄卷之四

宋 李元綱

劉中丞溫叟性端厚方正動必由禮然以父名岳終身不聽絲竹人以太過事繼母以孝聞雖盛暑非冠帶不敢見嘗令其子市藥藥有天靈蓋問此何從而產對以人骨卽然命致壅於郊外矣

李王嘗客於滄州呂充門下劉守光破滄州盡殺呂充家充子琦年十四王負之以逃旬衣食以資之燕越間以能存呂氏之孤推以爲義士清泰中琦

爲給事中端明殿學士時王已卒乃薦其子度於  
知貢舉馬裔孫遂擢甲科

二五十四

魏羽淳化中許王慕薨或有以官府上聞者——太宗  
怒追捕僚吏將窮究之羽乘間言曰漢戾太子竊  
弄父兵當時言者以其罪當笞耳今許王之過未

卷三

甚於是故被劾者皆獲輕典

山范陽公  
本朝蒙求

蔡卞章惇同肆羅織遷謫元祐諸公卞率惇以奏乞  
發司馬光墓門下侍郎許將獨無言卞等退——哲  
宗留將問曰卿不言何也將曰發人之墓非盛德

二

事一哲宗曰朕與卿同乃不從

出師伯溫  
辨經傳

仁宗初蒞政問輔臣曰方奏獄來上不知所以裁之  
如之何則可呂文靖公夷簡進曰凡奏獄必出於  
疑疑則從輕可也一帝誤以爲然故終一仁宗之  
世疑獄一從於輕

魏仁浦丞相嘗爲賈延徽譖幾遇禍總師出征有得  
延徽以獻者仁浦曰因兵戈報私怨不忍爲也人  
服其長者初事周世宗世宗卞急輕殺戮仁浦營  
救而免者十常七八從出征鋒鏑之下無橫死者



王文康公溥初周祖鎮蒲津召置幕府從征李守正  
王景崇得朝臣交結書周祖欲暴其事溥力請焚  
之後世宗嘗問漢相李松蠟九書結北虜有記其  
辭者否溥曰使終有此肯以示人耶逢吉輩爲之  
爾世宗遂優贈其官

李文正公昉在相位循謹自守臨事多恕與張洎盧  
多遜善溥張泌上嘗問多遜昉頗爲辨釋上曰多  
遜嘗毀卿不直一錢昉曰臣不敢誣罷相張洎草  
詔撰攻其短長張泌時時造其第或問泌泌曰我

二四

廷尉衡李公未嘗以私事見于今雖退居可見

李濟父超爲禁卒從濟美掌刑刀美嗜殺戮超常緩  
之怒釋多全活人皆以爲有陰德濟官至右司郎  
中樞密直學士

四四五

張司空齊賢前後治獄全活甚衆在相位事有涉于  
請辭連李沆而齊賢獨任其責物論甚美

二五

王文穆公欽若判三司理欠憑由司奏蠲乾德至咸  
平通之負千餘萬釋繫囚三千餘人以廣惠澤

一三十二

王沂公會知審刑院初違制之法無故失率坐徒二

年曾請分故失非親被制書者止以失論上不悅  
口如是無復有違制者曾曰如陛下言亦無復有  
失者矣自是違制遂分故失

張文節公知白初叅知政事爲宰相王欽若所排及  
知南京欽若謫分司南京衆謂必報之而知白待  
之加厚其在相位清約如寒士慎重名器人服其  
公

張文懿公仕遜在相位陳堯佐罷叅知政事有挾怨  
上官堯佐欲反復有誣諫官陰附宗室者遜置二

奏上前且言儉言動搖朝廷若一聞姦萌則臣亦不能自保矣上悟置告者于法誣諫官事亦寢王章惠公隨知戎州戎人多蓄逃卒或忤意則執以求賞故坐法衆隨至下令能自歸者免仍隸舊籍多所全活

陳文忠公堯叟嘗爲廣西轉運使其俗有疾不服藥唯禱神堯叟以集驗方刻石桂州驛舍是後始有服藥者嶺外少林木井泉堯叟爲植木道傍鑿井置亭舍至今爲利性儉素事親至孝母馮性嚴堯

吏未嘗忤其意

陳文惠公堯佐在樞府日太常博士陳詒知祥符縣以法繩吏吏悉遁去章獻太后怒事下樞密院詒連姻宰相呂夷簡欲因詒中傷夷簡者堯佐以爲罪詒則姦人得計而能吏沮矣詒遂獲免

劉丞相沆曾祖景洪事楊行密爲江西牙將有彭玕者據州稱太宗景洪附洪面僞許之復以州歸行密遂不仕嘗謂人曰我不從彭玕嘗活萬餘人後必有隆者因名所居山曰後隆山山有唐牛僧

臨讀書堂故<sub>集</sub>卽其上爲室曰聰明臺沆母夢牛  
相公來而生沆

賈文公昌朝爲中丞劉平石元孫陷西虜或誣以降  
議收其族昌朝言事未可知乃不果收及在相位  
元孫自西夏歸議賜死昌朝獨曰自古將<sub>帥</sub>被執  
歸不死元孫得不死判大名府河決商湖中書議  
歸之六搭昌朝力爭之不已其後河果不止塞振  
救瀕河水災<sub>災</sub>之民全活甚衆

王化基爲御史中丞知樞密院柴禹錫僕受人金叅

知政事陳恕諭令及禹錫臣實不知一日引囚詣便殿  
上頗怒化基隆殿令囚袒以見其筆掠且遍曰殿  
豈有受此而隱情不言太宗益以爲長者知杭  
州書記張賀頗似忽之太宗知而面詢化基第  
薦其才語不及他居官俸多施及親舊

一四七

韓忠憲公億性方重有守治家嚴肅雖燕居未嘗見  
其惰容益州故事歲首官出米六萬石或五六倍  
之以濟貧民億知州當歲儉乃數倍賑之

一四八

李參政若谷在政府言轉運使提點刑獄失按所部

二十三

官受贓類降差遣且監司所部甚廣巡按不過留  
三二日蓋未能遍察也苟州郡密發一職吏先聞  
朝廷則監司不可勝黜自是詔轉運使提點刑獄  
再不覺察部內官受贓則降黜之

二十四

程文簡公琳知永興元昊死諒祚尚幼以三大將分  
治其國或謂因各授三將節度使以分弱其勢琳  
曰幸人之喪非所以示夷狄不如因而撫之

吳節使元扆知河南嘗值河溢城將壞躬涉泥濘督  
工壅塞民有避水於林杪者旣濟以舟楫又以家



財賕之時數郡被水患獨元辰所<sub>提</sub>民無<sub>提</sub>溺

曹郡王彬敬慎和厚未嘗言人過失平蜀還一太祖

詢官吏善否對曰軍政之外非臣所聞時諸將皆

欲屠城殺降彬獨仁恕而戢下所至悅服時諸將

多有子女金帛彬橐中惟圖書衣衾而已故諸帥

俱貶而彬獨進擢及征江南亦緩攻取數遣開諭

亦冀其降雖以城陷猶約歸款偽朝君臣賴以獲

免自出師至凱旋士眾畏服無輕肆者居朝俸入

給宗族無餘積王樞密博文天禧四年詔按朱能

王先僞乾祐天書事連逮者衆唯治首惡脅從者  
請皆得減死論訟邊軍民逃入蕃部擒至者有錦  
袍銀帶茶綵之賞聞有自歸而爲蕃部所得亦不  
能免法皆處斬博文遣習事者持信紙密招之至  
則驗而貸其罪減誅死者甚衆詔加褒諭仍推行  
其法於諸邊郡

王忠簡公時傳文之子也至和初爲開封府判官宦  
者李允良疑人毒死其叔父訴請發棺驗視疇獨  
曰驗而無實是無故暴人尸此安知非允良有毒

既而窮治果引讎與叔家有怨

情可疑反情理可問有旨取勘茲著令使其子孫昌感宜矣

張文孝公觀為人寬厚長者京東路舊止通安邑監而瀕海禁私煮視知鄆州兼京東西路安撫使請弛其禁歲免黥配者不可勝計

夏英公竦知襄州歲饑發公廩募富人出粟嘗全活數萬人賜詔褒諭

田樞密况知成都府自李順王均之亂蜀守皆得便宜從事雖或小罪并其家內徙流離道路失所者頗衆况察其非有甚惡釋之

包孝肅公拯爲御史言諸路轉運加按察使之名以  
苛察州尚奏劾官吏更信於前皆掘據細故使吏  
不自安詔爲罷之知瀛州除放一路所負間易公  
使錢十餘萬仍奏諸州毋得間易公使錢遂爲著  
令少爲剝鈞所知鈞無子爲奏與族子爲後而請  
還其所沒田廬

臧密學綸篤於古學喜談名教父同文幼孤事祖母  
亦以孝聞從邑人楊懿受經懿隱居不仕而以女  
弟妻同文遇疾因託以家事同文爲葬其三世之

未葬者遭世喪亂亦不復仕聚徒講學相繼登科者五六<sup>十六</sup>人踐臺閣者亦至十數尚信義喜朋人急所與交皆當世之名士楊徽之因事至郡多所酬唱及卒徽之及其門人追號曰堅素先生

陳

龍學從易天禧中坐失舉送宰相寇準素惡之遂除知吉州及準貶道州從易爲湖南轉運使或謂曰可忘廬陵之命此<sup>邪</sup>準至從易以故相禮敬之言者爲慙

鄧防禦襲齊州歲饑出俸以濟之民多自隣境至者

邠人詣闕以言詔置碑

出曾子固  
隆平錄

林積南劍人少時入京師至蔡州息旅邸既臥覺床  
第間有物達其背揭席視之見一布囊其中有錦  
囊又其中則錦囊實以比珠數百顆明日詢主人  
曰爾夕何人宿此主人以告乃巨商也林語之此  
吾故人脫復至幸令來上庠相訪又揭其名于室  
曰某年某月日劍浦林積假館遂行商人至京師  
取珠欲貨則無有急泐故道處處物色之至蔡邸  
見其勝卽還訪林於上庠林具以告曰元珠俱在

然不可但取可投牒府中當悉以歸商如其教林  
詣府盡以珠授商府尹使中分之商曰固所願林  
不受曰使積欲之前日已爲已有矣秋毫無所取  
商不能強以數百于就佛寺作大齋爲林君祈福  
林後登科至中大夫生子又字德新爲吏部侍郎  
自洪景廬  
夷堅志

潭州彭子民隨董必察訪廣西時蘇子瞻在儋州董  
至雷議遣人過儋彭顧董泣涕下曰人人家各有  
子孫董遂感悟止遣一小使臣過儋但有逐出官

舍之事沙門島舊制有定額題取一人投之海中  
馬默處厚知登州建言朝廷既貸其生矣卽投諸  
海中非朝廷之本意今後溢額乞選年深作至配  
所不作過人移登州神宗漠然之卽詔言者以爲  
定制未幾馬方坐堂上忽昏困如夢寐中見一人  
乘空來如世間所畫符使也左右挾一男一女至  
馬前大呼曰我自東嶽來聖帝有命奉天符馬默  
本無嗣以移沙門島罪人事上帝特命賜男女各  
一人遂置二童乘黃雲而去馬驚起與左右卒隸



厚德錄

卷之四

十

見黃雲東去後生男女二人馬親語余如此

張文懿罷相由范文正公彈也文懿復相一日仁

宗語文懿曰范仲淹嘗有疏乞廢朕可施行之文

懿曰仲淹法當誅然不見章疏乞付外施行上

二

曰未嘗見其疏但比有爲朕言者且議其罪文懿

曰其罪大無他法無文案卽不可行望陛下訪

之凡數日則一請其疏月餘凡十數請上曰竟

未見之然爲朕言者多矣可從未減曰人臣而欲

廢君無輕典旣無明文則不可以空言加罪上

意解卽曰仲淹在外初似疑今旣無疑可稍遷之以慰其心——上溪然之

寇忠愍知永興軍於其誕日排設如聖節儀晚衣黃道服簪花走馬承受且奏寇準有叛心——真宗驚手出奏示執政曰寇準乃反耶王文正熟視笑曰寇準許大年紀尚騃耶可劄與寇準知——上意亦解

李文和都尉好士一日召從官呼左右軍官妓置會夜半臺官論之楊文公以告王文正文正不答退

以紅牋書小詩以遺文和且以不得預會爲恨明日真宗出章疏文正曰臣嘗知之亦遺其詩恨不得往也太平無象此其無象乎上意遂釋

王和甫嘗言蘓子瞻在黃州上數欲用之王禹玉輒曰軾嘗有此心惟有蟄龍知之句陛下龍飛在天而不敬乃反欲求蟄龍乎章子厚曰龍者非獨人君人臣皆可以言龍也上曰自古稱龍者多矣如荀氏八龍孔明臥龍豈人君也及退子厚詰之曰相公乃欲覆人家族耶禹玉曰聞舒亶言爾子厚

四  
五  
三

曰豈之唾亦可食乎

晁文元適嘗言歷官臨事未嘗挾情害人危人售進

保全回護如免髮膚之傷

以上出王定國近錄雜記續錄

四  
五  
四

公言李沆相秉鈞日有狂士扣馬獻書塵詆其短李

遜謝曰俟歸家當得詳覽狂生遂發訕怒隨公馬

後肆言曰居大位不能康濟天下又不能引退久

妨賢路寧不媿於心乎但於馬上蹴踏再三口屢

求退以主上未賜允終無忤色公言以帷箔之罪

加於人最爲暗昧萬一非辜則令終身被其惡名

至使君臣父子之間難施面目言之得無訖乎

公言呂申公奏請天下獄有情可疑及情理可憫者

皆取効裁今爲著令使其子孫昌盛宜矣公言一

瞻視聽察之間有可以和難解紛者不得不爲仰

福祖考下芘子孫未必不由垂轉方便之力也某當

書諸紳

以上出傳獻  
簡公佳話

華陰呂君舉進士聘里中女行旣中第婦家言曰吾

女故無疾旣聘而後盲敢辭呂君曰旣聘而後盲

君不爲欺又何辭遂娶之生五男皆中進士第其

卷五  
二五

一人丞相汲公是也

以上出陳經已錄

頃

神文

時慶

淮南有王倫者嘯聚其黨頗擾郡縣承

平日久守令或有弃城而出者事定朝廷議功罪

富鄭公在樞密凡弃城者請論如法范文正參預

大政爭以爲不可今淮南郡縣徒有名耳其城壁

非如邊塞難責城守一神文睿德寬仁故弃城者

得以減死論既退鄭公忽謂文止曰六丈當欲作

佛耶范公曰主上富於春秋吾輩輔導當以德若

使人主輕於殺人則吾輩亦不得容矣鄭公歎服

閩人生子多者至第四子則率皆不舉爲其貲產不足  
以贍也若女則不待三往往臨蓍以羈貯水才產卽溺  
之謂之洗兒建劔尤甚四明俞備仲寬宰劔之順昌作戒  
殺子文召諸鄉父老爲人所信服者列坐廳下以俸置醪  
醴親酌而侑之出其文使歸諭勸其鄉人無得殺之歲月  
間活者以千計故生子多以俞爲小字轉運判官曹輔上  
其事朝廷嘉之就改仲寬一官仍令再任復爲立法推行一  
路後予奉使於閩與仲寬爲婚家法當避仲寬諱

去予嘗至其邑問仲寬因被差他郡還邑有小兒數百迎於郊雖古循吏蓋未之有也備有戒殺文甚詳行於世

應山二連伯氏庶字君錫仲氏庠字元禮少從學於二宋相繼登科君錫爲人清脩孤潔故當官人號爲連底清元禮加以肅人號爲連底凍其父處士

名舜實字輔之爲鄉里所誦服歲饑出穀萬斛損

價以鬻之惠及傍邑有盜其牛者官捕甚急窮自

歸處士媿謝厚遺以遺之故歐陽文忠公表其墓



具述其事二宋謂元憲景文

鄭屯田建中其先本雍人五季時徙家安陸貲鉅  
萬城中居人多舍客也每大雨過則載瓦以行問  
有屋漏則補之若舍客自爲之屋亦爲繕完又隆  
冬苦寒蠲舍繕仍日屯田公晚得一子即侍郎公  
紱也登進士第官至祠曹前行職爲理字少列侍  
郎有五子長曰獬中皇祐元年登第至朝奉大夫  
次卽侍讀公毅夫也皇祐五年魁天下士三子與  
孫皆任以官不繇選調世祿不絕陰施之報蓋不

誣矣

以上出王彥輔塵史

辛酉十一月望校畢時客居申江孟嘉丈方北歸頗有離索之感

前日從蔣氏密韻樓假得成化刊本半葉八行行十五字大黑口四周雙關前有成化十六年序失其人名亦分四卷而次第不同序後有目分為五類目取此劣本手勘一遍誤謬悉據改正然明刻亦缺孫觀新說謝德權不知何氏刻時失去乎抑意為刪節也

百川學海本以革与此裨海本同然則宋本原第如是第不知何氏分類之本何從出豈重加編訂乎抑宋時別本如是誤更歟

辛酉十一月十日校竣附記